

BAHAGIAN A

[30 Markah]

[Masa Yang Dicapangkan: 30 Minit]

Baca kedua-dua e-mel dibawah ini dengan telitinya.

Anda dikehendaki menjawab dan menulis e-mel itu selengkapnya.

Panjangnya e-mel anda hendaklah **antara 150 hingga 200 patah perkataan.**

E-mel 1

Daripada	: nurin.najwa@gmail.com
Kepada	: halena@gmail.com
Perkara	: Cara-cara Belajar yang Berkesan
<p>Apa khabar awak di sana? Saya berharap agar awak dan keluarga sihaesihat belaka. Sudah lama kita tidak berhubung antara satu sama lain. Semoga kiriman e-mel ini akan merapatkan hubungan silaturahim kita.</p> <p>Halena, saya baru sahaja selesai menduduki Peperiksaan Akhir Tahun Tingkatan 4 di sekolah saya, Saya ingin berkongsi sesuatu dengan awak. Keputusan peperiksaan telah saya terima. Namun begitu, keputusan peperiksaan tersebut tidak menggembirakan saya dan ibu bapa saya, Saya gagal dalam semua mata pelajaran Sains, iaitu Kimia, Fizik, dan Biologi.</p> <p>Saya tahu bahawa awak boleh membantu saya dengan berkongsi cara-cara belajar yang berkesan untuk lulus cemerlang dalam mata pelajaran tersebut. Saya mengharapkan bantuan daripada awak bagi meningkatkan prestasi dalam setiap mata pelajaran tersebut.</p> <p>Sahabatmu, <i>Nurin Najwa Binti Kamal</i></p>	

Bahagian B

[70 markah]

[Masa Yang Dicapangkan: 1 Jam 30 Minit]

Pilih **satu** daripada soalan-soalan di bawah ini dan tulis sebuah karangan yang panjangnya **antara 350 hingga 500 patah perkataan**.

Domain Awam

Antara cabaran untuk menerapkan semangat cinta akan kebersihan dalam kalangan masyarakat ialah sikap masyarakat yang memandang enteng aspek kebersihan. Mereka tidak rasa bersalah membuang sampah dari kenderaan mereka. Malahan, tahap kesedaran masyarakat terhadap amalan 3R, iaitu 'reduce', 'reuse', dan 'recycle'. Hal ini demikian kerana, masyarakat masih kurang pengetahuan tentangnya dan tidak menghargai nilai sisa pepejal terutama dalam situasi sekarang yang menyaksikan sumber asli semakin berkurangan.

Dipetik dan diubah suai daripada 'Membentuk Minda Sikap Kelas Pertama Cintakan kebersihan', www.bharian.com.my bertarikh 25 Februari 2015

Petikan akhbar di atas menyatakan tahap kesedaran masyarakat masih rendah terhadap amalan menjaga kebersihan dan 3R. Kesannya, banyak kawasan di negara kita masih kotor dan berharap kepada pekerja untuk membersihkannya. Malahan, sisa buangan bahan pepejal masih tinggi di negara kita. Hal ini tidak harus dibiarkan kerana memberikan impak negatif terhadap kebersihan dan kelestarian alam di negara kita. Sehubungan dengan itu, anda dikehendaki menulis sebuah rencana tentang perkara tersebut. Tajuk rencana tersebut ialah "Langkah-langkah Menggalakkan Amalan Kebersihan dan 3R dalam Kalangan Masyarakat".

Tulis rencana anda selengkapnya.

Domain Peribadi

Pengurusan kewangan yang baik merupakan tanggungjawab seseorang individu untuk mengelakkannya mengalami kesukaran dalam hidup terutama semasa pandemik sekarang ini. Demikianlah kenyataan yang dikeluarkan oleh Bank Negara Malaysia (BNM).

Dalam Laporan Tahunan 2020, bank pusat itu berkata bahawa pengurusan kewangan yang baik boleh menjadikan kehidupan seseorang bebas dan tenang. Oleh itu, setiap individu perlu memiliki pengetahuan mengenai konsep kewangan asas. Hal ini dapat menjadikannya lebih sedar akan pentingnya pengurusan kewangan secara berhemat, membuat simpanan, dan membina dana kecemasan.

Dipetik dan diubah suai daripada 'Pengurusan Berhemat Mampu Tangani Cabaran Luar Jangka: BNM', www.sinarharian.com.my, 31 Mac 2021

Sebagai respons terhadap kandungan kenyataan di atas, setiap individu haruslah mengamalkan pengurusan kewangan peribadi dengan baik bagi mengelakkannya mengalami kesukaran dalam hidup.

Jelaskan cara-cara yang dapat anda lakukan untuk menguruskan kewangan anda dengan baik agar

SULIT1103/1

tidak menghadapi masalah kewangan kelak.

Domain Pendidikan

Pengajaran dan Pembelajaran di Rumah (PdPR) memberikan cabaran kepada ibu bapa terutama bagi ibu bapa yang pergi bekerja.

Menurut Kaunselor Universiti Putra Malaysia (UPM), ibu bapa yang bekerja akan berasa tertekan kerana tidak dapat membantu anak mereka belajar di rumah. Hal ini demikian kerana, anak-anak terutamanya murid prasekolah atau murid sekolah rendah amat memerlukan bimbingan daripada ibu bapa. Namun demikian, inilah norma baharu yang perlu diharungi oleh setiap lapisan masyarakat bagi menyokong usaha Kementerian Pendidikan Malaysia (KPM).

Dipetik dan diubah suai daripada ‘Cabaran Ibu Bapa Bekerja Hadapi PdPR’, oleh Nas Norzeila Nasbah, www.bharian.com.my/berita/pendidikan, 22 Jun 2021

Petikan di atas menyatakan Pengajaran dan Pembelajaran di Rumah (PdPR) secara dalam talian terpaksa dilakukan berikutan wabak Covid-19 yang masih belum berkurang. Walaupun terdapat pelbagai cabaran untuk memastikan keberkesanan pengajaran ini, namun semua pihak harus bersikap positif untuk menjayakan proses pengajaran dan pembelajaran ini.

Huraikan kebaikan-kebaikan yang diperolehi melalui Pengajaran dan Pembelajaran di Rumah (PdPR) terhadap murid, ibu bapa, masyarakat, dan negara.

Domain Kerjaya

Kini, semakin banyak yang menjadi penghantar barangan sebagai kerjaya mereka. Antaranya ialah Jamilah Zainal.

Menurut Jamilah, setiap pekerjaan mempunyai risiko. Namun, beliau sentiasa mengutamakan keselamatan diri. Beliau juga mengakui pada awalnya banyak pelanggan kurang yakin dengan kemampuannya, namun keadaan kini sudah berubah.

“Saya bersyukur dengan pekerjaan ini. Saya mempermudah urusan orang lain dengan menghantar barangan ke pintu rumah mereka. Saya juga pernah ditipu apabila pelanggan tidak muncul di lokasi dijanjikan untuk mengambil barang. Namun, hal ini tidak melemahkan semangat saya.”

Dipetik dan diubah suai daripada ‘Saya Hantar Macam-macam Barang’, oleh Junita Mat Rashid, www.bharian.com.my, 19 Mac 2019

Petikan di atas menjelaskan semakin banyak yang bekerja sebagai penghantar barangan termasuklah kaum wanita. Keadaan ini berlaku kerana wabak Covid-19 telah membataskan pergerakan orang ramai dan mereka berasa selesa apabila sesuatu barangan yang dipesan oleh mereka dihantar terus ke rumah.

Huraikan sebab-sebab semakin banyak golongan muda yang memilih pekerjaan ini sebagai kerjaya mereka.